

U G O V O R

za usluge štampanja omota spisa i ostalog materijala

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Reisa Džemaludina Čauševića 6/III, Sarajevo, koga zastupa Nataša Vuković, generalni sekretar Ustavnog suda Bosne i Hercegovine (u daljem tekstu: **Naručilac**)

i

ŠTAMPARIJA FOJNICA d.d. Prokoški put bb, Fojnica, ID broj 4236045660000, koga zastupa Senad Šabanović, direktor (u daljem tekstu: **Izvršilac**)

Član 1.

Predmet ovog ugovora je štampanje omota spisa i ostalog materijala prema definisanim uslovima iz tenderske dokumentacije broj SU-08-569-4/23 od 17. avgusta 2023. godine i prema sadržaju ponude Izvršioca broj 185/23 od 24. avgusta 2023. godine, sa kojom je Izvršilac učestvovao u provedenom postupku konkurentskog zahtjeva za dostavljanje ponuda i rezultatima održane e-aukcije.

Član 2.

Ukupna cijena za štampanje omota spisa i ostalog materijala, definisana nakon e-aukcije, iznosi 3.494,00 KM bez PDV-a odnosno 4.087,98 KM sa uračunatim PDV-om.

Pojedinačne cijene definisane su ponudom Izvršioca iz člana 1. ovog ugovora odnosno novim Obrascem za cijenu ponude, dostavljenim nakon održane e-aukcije i iznose:

- Ukupno za stavku 1. iz obrasca za cijenu za količinu od 5.000 komada – 3.095,00 KM bez PDV-a odnosno 3.621,15 KM sa PDV-om;
- Ukupno za stavku 2. iz obrasca za cijenu za količinu od 10.000 komada – 350,00 KM bez PDV-a odnosno 409,50 KM sa PDV-om;
- Ukupno za stavku 3. iz obrasca za cijenu za količinu od 3 komada – 49,00 KM bez PDV-a odnosno 57,33 KM sa PDV-om.

U cijenu su uračunati i troškovi isporuke u prostorije Naručioca - Reisa Džemaludina Čauševića 6, treći sprat, Sarajevo.

Član 3.

Izvršilac se obavezuje da će Naručiocu, prije početka štampanja, dostaviti pripremu za štampu u PDF ili drugom formatu, na odobrenje. U slučaju da Izvršilac pristupi štampanju bez predhodnog odobrenja Naručioca i/ili odštampani materijal nije u skladu sa zahtjevima Naručioca i/ili nije u skladu sa dostavljenim uzorcima odnosno materijalima odštampanim predhodnih godina ili u slučaju drugog odstupanja, Naručilac će vratiti materijale na ponovno štampanje o trošku Izvršioca.

Izvršilac se obavezuje da će poslove iz člana 1. ovog ugovora izvršiti najkasnije 50 dana od dana obostranog potpisivanja ugovora, isporučiti robu na adresu Naručioca te da će isporučenu robu pratiti potrebna dokumentacija..

Izvršilac se obavezuje da će dostaviti fakturu na osnovu otpremnice potvrđene od strane Naručioca da je preuzeo robu koja u potpunosti odgovara traženim tehničkim elementima iz tenderske dokumentacije. U slučaju odstupanja, Naručilac će vratiti materijale na ponovno štampanje o trošku Izvršioca.

Član 4.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana po prijemu robe bez primjedbi i dostavi fakture, istu proslijediti na plaćanje Ministarstvu finansija i trezora BiH.

Izvršilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 5.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u BiH.

Član 6.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine.

Član 7.

Ovaj ugovor stupa na snagu danom potpisivanja od strane ovlaštenih lica ugovornih strana.

Član 8.

Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

ZA IZVRŠIOCA

Senad Šabanović

Direktor

ZA NARUČIOCA

Nataša Vuković

Generalni sekretar

Ustavnog suda Bosne i Hercegovine

Datum: 25.9.2023 god

Broj: 85/23

Datum: 19. septembra 2023. godine

Broj: 11800-08-569-11/23

